

ստանալ քայլ մի մինչ ոչ լինիցի տուեալ նմայ  
'ի տանէն հայոց թուխտաւ գնեցելօք երկրի ըստ  
չափաւորութեան, լայնութեան և երկայնութեան  
և այլն:

### Գ Լ ՈՒ Ն Ը.

Ամենայն բնութիւն մարդոյ 'ի ազգէ և 'ի  
ժողովրդենէ հայոց մկրտելոց և հաւատացելոց 'ի  
Քրիստոս, կարօղ է գնել երկիր վասն ժառան-  
գութեան իւրոյ և վաճառել երկիր իւր ումեք  
առն 'ի նոյն ազգէ և դաւանութեամբ, այսմ  
մտածութեամբ զի ամենայն զոր ինչ 'ի բերմանէ  
երկրին գոյանայ հատուցանել հարկ, մաքս և հաս  
բաժին և այլն, առ 'ի տունն հայոց Օրինօք Հայոց:

### Գ Լ ՈՒ Ն Թ.

Ամենայն բնութիւն մարդոյ ծնեալ 'ի յե-  
րեսս երկրին Հայոց անօրէն, և եթէ ծնեալ 'ի  
տարր աշխարհ պանդխտացեալ 'ի հայս, կարօղ է  
վարձու ստանալ երկիր և տուն և բնակութիւն  
ժամանակաւոր, ոչ խոստանացի նմայ գնել և ոչ  
ժառանգութիւն և ոչ արժանի վաճառելն նորայ,  
բայց ունենալով նմայ երկիր և տուն վարձու՝  
հատուցանելով վարձն բնակութեան տան իւրոյ  
առ տեառն տան, և հարկ և մաքս և հաս և այլն  
առ տանն Հայոց: